

《般若波羅蜜多心經要釋》

民·斌宗述

壹、經題

《般若波羅蜜多心經》

貳、譯人

唐·三藏法師玄奘奉詔譯

參、正文

(壹) 顯說般若

一、總示菩薩修證境界

(一) 明能觀人

觀自在菩薩，

(二) 明所修行

行深般若波羅蜜多時，

(三) 明所觀境

照見五蘊皆空，

(四) 明所得益

度一切苦厄。

二、詳明般若真空實義

(一) 遣執

舍利子！色不異空，空不異色；色即是空，空即是色。受、想、行、識，亦復如是。

(二) 顯性

舍利子！是諸法空相：不生、不滅，不垢、不淨，不增、不減。

(三) 破妄

1 破凡夫我相

是故空中無色，無受、想、行、識。

b 對迷心重者破十二入

無眼、耳、鼻、舌、身、意，無色、聲、香、味、觸、法。

c 對心色並迷者破十八界

無眼界，乃至無意識界。

2 破二乘法相

a 破緣覺十二因緣法

無無明，亦無無明盡；乃至無老死，亦無老死盡。

b 破聲聞四諦法

無苦、集、滅、道。

3 破權教菩薩法相

無智，亦無得。

(四) 證果

1 明菩薩得斷果

以無所得故，菩提薩埵，依般若波羅蜜多故，心無罣礙，無罣礙故，無有恐怖，遠離顛倒夢想，究竟涅槃。

2 明諸佛得智果

三世諸佛，依般若波羅蜜多故，得阿耨多羅三藐三菩提。

(貳) 密說般若

一、出名嘆益

故知般若波羅蜜多，是大神咒，是大明咒，是無上咒，是無等等咒，能除一切苦，真實不虛，故說般若波羅蜜多咒。

二、正說咒語

即說咒曰：揭諦，揭諦，波羅揭諦，波羅僧揭諦，菩提薩婆訶。

